


Oz e igl Gi internaziunal di gl punct



SATEMBER

Igl Gi internaziunal digl punct

Tut â antschiè cugl cudesch «The dot» – «igl punct» ca raquenta l'istorgia da la buaba Vashti. Ella cre c'ella setgi betga dissignear. «Antscheva semplameing cun egn punct», gi sia surmestra. Vashti fa quegl a malegia semplameing egn punct aintamiez igl figl. «Ad ussa sutascriva», gi la surmestra. Vashti fa quegl a la surmestra anramescha sieus maletg (semplameing egn punct) a palenda sei el. Vashti gi par saseza: «Quegl se jou far miglier!», ad ella antscheva a malagear da tutas sorts puncts: grànds a pintgs, puncts da tut las calurs, puncts ca van egn an l'oter. A la fegn dat quegl egn beala exposiziùn da maletgs a Vashti e davantada egn vera artista.

«Co âs tei me fatg quegl?», dumonda egn buab, «jou less ear malagear aschi bagn. Mo jou se gnànc far egn streh anguliv.»

A tge fa Vashti? Ella gi: «Mussa!» a dat egn figl alv agl buab. Gl'artist american Peter H. Reynolds e gl'autur ad ilustratur da l'istorgia da Vashti an «The dot». Cur c'igl surmester american Terry Shay â musso que cudesch a sia classa igls 15 da satember 2009, e naschieu igl Gi internaziunal digl punct. Davent da lura de que gi dar curascha ad unfànts a carschieus segl antier mund dad easser creativs a da semplameing antschever a malagear ... cun egn punct ... a lura vurdar tge c'igl dat landeror. Antscheva ear tei!

Puncts fan ign ear, cur c'ign scriva. Quànts puncts dumbras tei agl text sutvart?

Sas tei, cura c'ign fa mintgame egn punct?


Sas tei tge c'igl vut gir, sch'ign fa tres puncts?

Tge malegias tei igl ple bugent?

Puncts dapartut

1


- 1 Varda anturn. Noua tgatas tei puncts, pintgs a grànds?
- 2 Noua dat igl schiglioc ànc puncts?
- 3 Prenda egn lupa a varda sen egn maletg alv a ner an egn giaseta. Tge vezas tei?
- 4 Tge vezas tei, scha tei vardas cun la lupa sen egn maletg da calur?




Puncts dapartut

2

- 1 Eligia egna da las tres figuras a coptga la figura sen egn pulpier (da calur) ampo ple gross.
- 2 Preparaescha diferaints bols, cun igls quals tei sas stampar puncts: bols da hardefels, bols da guma, bastùnets da vata etc.
- 3 Decorescha ussa tieus maletg cun puncts. Quels pon easser pintgs near grànds, alvs, ners near da calur. Noua â'gl blears puncts, noua pocs?









Puncts da possa

3

- 1 Prenda smarties da tut las calurs a meta els an egn rudi, betga megna grànd, segl tieus taglier.
- 2 Dearscha ussa precautameing aua agl taglier. Betga megna bleara, schiglioc pudessan igls smarties sanudar davent. Gl'antier taglier de easser cuvretg.
- 3 Observescha ussa tge ca schabegia ...
- 4 A la fegn dastgas tei magliear igls smarties, els gustan ear sainza igl manti da zucer.

